



Neb n wa sēn yi ‘Ukl bi ‘Urayna, la bāas n yōk-b Madiina

Yii a Anas [bn Maalik nengē, (Wēnd yard be a yīnga) a yeelame: Neb n wa sēn yi ‘Ukl bi ‘Urayna, la bāas n yōk-b Madiina ti Nabiyaamā (Wēnd puusg la A tulgr be a yīnga) sagl-b ne yugmā, ti b yū b ruudmā la b bīismā, ti b sid loog n na n puge, la b sēn wa n paam laaft wā, b ku Nabiyaamā rūm-kumā (Wēnd puusg la A tulgr be a yīnga) la b peeg rūmsā, ti b kibarā ta wīndgā singrē, t'a tum ti b pug-ba, la wīndgā sēn wa n zēke, b waa ne-ba, ti Nabiyaam kit ti b kuus b nusā la b nao wā, la lob-b kug-laagā zugu. ti b rat koom ti b ka kōt-b ye. A Abuu Kīlaaba yeelame: rēnd bāmbā b zuume la b ku, la b kīflg b lumaoong poorē, la b zab ne Wēnde la A Tēn-tuumā.

[Naṣun Ṣahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Neb n wa Nabiyaamā nengē (Wēnd puusg la A tulgr be a yīnga) sēn yaa buud a yiib b sēn boond ti ‘Ukl la ‘Urayna, n yaa līslaamba, la bāag n paam-ba, ti b pusā wuki, ti b ka rat n na n zīnd Madiin ye, bala Madiin rubā la a pemsmā ka zems ne-b ye. Ti Nabiyaamā (Wēnd puusg la A tulgr be a yīnga) yeel-ba ti b kēng sāra wā doosā yugmā wā zīingē, n tug n yūud b ruudmā la b bīismā, ti b sid kēnge, la b sēn wa n paam laaft n nobā ti b kōbgā lebg n wa wā, la b sēn ku Nabiyaamā rūm-kumā (Wēnd puusg la A tulgr be a yīnga) la b peeg yugmā wā n zoe, t'a tum ti b tug n tall-b n wa, t'a na n kit ti b kuus b nao wā la b nusā, la b feos b ninā, bala bāmb maana rūm-kumā woto, la b lob-b kug laagē wā, ti b be beenē n bōosd koom ti b ka kōt-b ye, hal ti b wa tug n maan kaalem. A Abuu Kīlaaba yeelame (Wēnd na yols-a): ad bāmbā zuume la b ku la b kīflg b lumaoong poorē, la b zab ne Wēnd la A Tēn-tuumā.

<https://sunnah.global/hadeeth/mos/show/66205>

